



Broj/ Број : 02/2-50-1-69-43/05
Sarajevo/ Сарајево : 28.11.2005.

Z A P I S N I K

43. sjednice Komisije za vanjsku i trgovinsku politiku Doma naroda Parlamentarne skupštine BiH održane 24. 11. 2005.

Četresttreću sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Vinko Radovanović, Velimir Jukić, Anto Spajić, kao i Nevenka Savić, sekretar Komisije i Aida Kreho, pripravnik-volonter. Osman Brka i Ruža Stojanović bili su opravdano odsutni.

Osim navedenih, sjednici su, u svojstvu predstavnika predlagača, prisustvovali: Kemal Čaušević, direktor Uprave za indirektno oporezivanje; Miroљjub Krunić, pomoćnik ministra finansija i trezora; Bakir Dautbašić, sekretar Ministarstva i Amir Pilav, rukovodilac Odjela, iz Ministarstva sigurnosti Bosne i Hercegovine.

Od predstavnika međunarodne zajednice, sjednici Komisije je prisustvovala Jelena Despot i Mark Campbell iz Ureda Visokog predstavnika.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

D O P U N J E N I D N E V N I R E D

1. Usvajanje Zapisnika sa 41. i 42. sjednice Komisije;
2. Prijedlog Zakona o carinskim prekršajima Bosne i Hercegovine - predlagač Vijeće ministara BiH;
3. Saglasnost za ratifikaciju Nota sporazuma između Bosne i Hercegovine i Republike Slovenije o uslovima trajnog prenosa dijela kontigenta detašmana Republike Slovenije u korist Bosne i Hercegovine - predlagač Predsjedništvo BiH;
4. Saglasnost za ratifikaciju Ugovora između Bosne i Hercegovine i Republike Makedonije o socijalnom osiguranju - predlagač Predsjedništvo BiH;

5. Saglasnost za ratifikaciju Administrativnog sporazuma za sprovođenje ugovora između Bosne i Hercegovine i Republike Makedonije o socijalnom osiguranju - predlagač Predsjedništvo BiH;
6. Saglasnost za ratifikaciju Sporazuma o preuzimanju uloge suosnivača za Institut za nestale osobe Bosne i Hercegovine između Vijeća ministara BiH i Međunarodne komisije za nestale osobe - predlagač Predsjedništvo BiH;
7. Saglasnost za ratifikaciju Sporazuma između Vijeća ministara Bosne i Hercegovine i Vlade Kraljevine Norveške o readmisiji vlastitih državljana i državljana trećih zemalja - predlagač Predsjedništvo BiH;
8. Saglasnost za ratifikaciju Dopunskog kreditnog Sporazuma između Evropske zajednice, Bosne i Hercegovine i Centralne banke Bosne i Hercegovine - predlagač Predsjedništvo BiH;
9. Saglasnost za ratifikaciju Sporazuma o pružanju zrakoplovnih usluga između Vijeća ministara Bosne i Hercegovine i Vlade Republike Makedonije - predlagač Predsjedništvo BiH;
10. Saglasnost za ratifikaciju Konvencije o pranju, traganju, privremenom oduzimanju i oduzimanju prihoda stečenog krivičnim djelom - predlagač Predsjedništvo BiH;
11. Tekuća pitanja.

Dopunjeni dnevni red je jednoglasno usvojen.

Ad. 1. Usvajanje Zapisnika sa 41. i 42. sjednice Komisije;

Zapisnici sa 41. i 42. sjednice Komisije jednoglasno su usvojeni.

Ad. 2. Prijedlog Zakona o carinskim prekršajima Bosne i Hercegovine - predlagač Vijeće ministara BiH

O Prijedlogu Zakona o carinskim prekršajima govorio je g. Kemal Čaušević. Tom prilikom istakao je da sam Prijedlog zakona, iako nije uslov za početak primjene poreza na dodanu vrijednost, predstavlja zakon od vrlo velike važnosti za samu Upravu za indirektno oporezivanje. Naime, donošenjem ovog zakona popunila bi se postojeća pravna praznina, zbog neosposobljenosti općinskih sudova da se bave ovim poslovima, a Uprava bi se ovlastila da vodi predmete koji se tiču carinskih prekršaja, i to u oba stupnja, ali i sve naslijeđene carinske prekršaje.

G. Čengić je, potom, predložio članovima Komisije da se izjasne o načelima i principima Zakona o carinskim prekršajima. Članovi Komisije su jednoglasno podržali principe i načela Prijedloga zakona. Predsjedavajući je konstatirao da nema uložениh amandmana, pa su članovi Komisije jednoglasno usvojili Prijedlog zakona u predloženom tekstu i uputili ga ka Domu naroda u dalju parlamentarnu proceduru.

Ad. 3. Saglasnost za ratifikaciju Nota sporazuma između Bosne i Hercegovine i Republike Slovenije o uslovima trajnog prenosa dijela kontigenta detašmana Republike Slovenije u korist Bosne i Hercegovine

Predsjedavajući je konstatirao da nije prisutan predstavnik predlagača. Uvodne napomene o Sporazumu dao je g. Čengić. On je pozdravio potpisivanje Sporazuma i naglasio njegov značaj za Bosnu i Hercegovinu. U diskusiji je učestvovao g. Jukić, koji je izrazio žaljenje zbog odsustva predstavnika predlagača jer je pripremio nekoliko pitanja u vezi sa ovom problematikom. G. Jukić je predložio sljedeći Zaključak koji su članovi Komisije jednoglasno usvojili:

«Traži se od Vijeća ministara BiH i drugih nadležnih institucija da preispitaju mogućnosti dobivanja detašmana i sa drugim zemljama, naročito sa značajnim spoljno-trgovinskim partnerima naše zemlje, kako bi se ostvarila povoljnija pozicija za bh privredu.»

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 4. Saglasnost za ratifikaciju Ugovora između Bosne i Hercegovine i Republike Makedonije o socijalnom osiguranju

U svojstvu predstavnika predlagača, o Ugovoru je govorio g. Pilav. Konstatirano je da je Ugovor koji se odnosi na pravne propise o zdravstvenom, penzijskom i invalidskom osiguranju i druga prava po osnovu rada i slučaj nezaposlenosti dobrodošao za građane dvije države ugovornice jer njihovi državljani izjednačeni ovim Ugovorom.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 5. Saglasnost za ratifikaciju Administrativnog sporazuma za sprovođenje ugovora između Bosne i Hercegovine i Republike Makedonije o socijalnom osiguranju

O Administrativnom sporazumu kao dodatku prethodnom Ugovoru govorio je g. Pilav. On je objasnio da Administrativni sporazum pomaže primjenu Ugovora o socijalnom osiguranju.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 6. Saglasnost za ratifikaciju Sporazuma o preuzimanju uloge suosnivača za Institut za nestale osobe Bosne i Hercegovine između Vijeća ministara BiH i Međunarodne komisije za nestale osobe

Predsjedavajući Komisije, g. Čengić je konstatirao da predstavnik predlagača nije prisutan, te je on kratko govorio o Sporazumu. Institut se osniva sa ciljem razrješenja sudbine nestalih osoba u ratnom periodu (u zakonom predviđenom roku), a suosnivači su Vijeće ministara BiH i Međunarodna komisija za nestale osobe (ICMP). Sporazum bliže određuje nadležnosti, organizaciju rada, organe upravljanja i finansiranje Instituta.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 7. Saglasnost za ratifikaciju Sporazuma između Vijeća ministara Bosne i Hercegovine i Vlade Kraljevine Norveške o readmisiji vlastitih državljana i državljana trećih zemalja

O Sporazumu je govorio g. Dautbašić. Istakao je da je Sporazum tipski i da je već potpisan sa nekim zemljama: Švedska, Danska, Italija, Švajcarska, Rumunija, Njemačka (važeći po sukcesiji); a parafitan sa Grčkom, Slovačkom i Bugarskom. Sa zemljama Beneluksa pregovori su u toku, a uskoro se očekuje paraf na ugovor sa Austrijom. Potpisivanje ugovora ovog tipa neophodno je sa svim članicama Evropske unije ako se traži liberalizacija viznog režima. Članovi Komisije pokazali su veliki interes za ovo pitanje, pa se g. Dautbašić obavezao da će Komisiji uputiti cjelovitu pismenu informaciju o mogućem razvoju događaja vezano za pregovore sa EU o ukidanju viznog režima za BH građane.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 8. Saglasnost za ratifikaciju Dopunskog kreditnog Sporazuma između Evropske zajednice, Bosne i Hercegovine i Centralne banke Bosne i Hercegovine

O Sporazumu je govorio i na pitanja članova Komisije odgovarao g. Krunić. U uvodnom izlaganju, g. Krunić je rekao da se Dopunski kreditni sporazum odnosi na još neiskorišteni dio prethodno potpisanog sporazuma. Naime, okvirni sporazum predviđao je 10 miliona eura granta i 20 miliona eura kreditnih sredstava, od čega je 10 miliona eura već realizirano. Namjena sredstava iz ovog Dodatnog sporazuma je, što je naročito interesiralo članove Komisije, platno-bilansna podrška Bosni i Hercegovini. Sredstva primljena po okvirnom sporazumu do sada, utrošena su na reformске procese i to: javne finansije, privatizacija, statistika, itd.

G. Jukić je predložio da se održi tematska sjednica koja bi se bavila makroekonomskom politikom i, naročito, odnosom Međunarodnog monetarnog fonda i Bosne i Hercegovine. Ovaj prijedlog je jednoglasno prihvaćen.

Nakon diskusije, članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 9. Saglasnost za ratifikaciju Sporazuma o pružanju zrakoplovnih usluga između Vijeća ministara Bosne i Hercegovine i Vlade Republike Makedonije

U odsustvu predstavnika predlagača, o Sporazumu je govorio g. Čengiđ. On je rekao da se radi o tipskom sporazumu, koji podrazumjeva potpuni reciprocitet zemalja ugovornica.

Potom, članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 10. Saglasnost za ratifikaciju Konvencije o pranju, traganju, privremenom oduzimanju i oduzimanju prihoda stečenog krivičnim djelom

U uvodu rasprave predsjedavajući, g. Čengiđ je konstatirao da predstavnik predlagača, iako je uredno obavješten o održavanju sjednice, nije prisutan. On je podsjetio da se Konvencija nalazi na dnevnom redu Komisije četvrti put, i nijednom se predstavnik predlagača nije odazvao pozivu da

bude prisutan na sjednici Komisije. Zbog te činjenice je predsjedavajući izrazio svoje nezadovoljstvo, što su i ostali članovi Komisije podržali. Predsjedavajući, g. Čengić je predložio da Komisija predloži Domu naroda davanje saglasnosti za ratificiranje zbog značaja ove Konvencije i činjenice da ona predstavlja jednu od postprijemnih obaveza prema Vijeću Evrope.

Nakon toga, članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Konvencije.

Ad. 11. Tekuća pitanja

Sekretar Komisije je informirala članove Komisije o prijedlogu da se održi sastanak sa predstavnicima Projekta podrške Ministarstvu vanjske trgovine i ekonomskih odnosa, na kome bi se razgovaralo o trenutnom statusu Bosne i Hercegovine u procesu priključenja Svjetskoj trgovinskoj organizaciji. Dogovoren je termin sastanka – 30. novembar 2005. godine.

Predsjedavajući Komisije
Hasan Čengić